

NAQQIUT

**Akissuteqaat 9.maj 2016-meersoq taarserpaa
(Oqaaseq kingulleq annikitsumik iluarsivigineqarmat)**

Inatsisartut aalajangiiffigisassaattut siunnersuutigineqarpoq Naalakkersuisut peqquneqassat Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersumi § 3, imm. 2 naapertorlugu kingusinnerpaa-mik 2017-imi, Naalakkersuisut tarnip pissusaanik ilisimasallit peqqinnissaqarfiup ilua-ni, pisortat oqartussaasuini allani namminersortunilu ilinniakkaminnut tunngasutigut sulinerat pillugu malittarisassanik erseqqinnerusunik aalajangersaanissaat.

(Inatsisartuni ilaasortaq Steen Lynge, Atassut)

Akissuteqaat

(Peqqissutsimut Naalakkersuisoq Doris Jakobsen)

Aappassaanneerpeqarnera

Naalakkersuisut sinnerlugit Ilaqutariinnermut Peqqissutsimullu Ataatsimiititaliaq inatsisartut aalajangiiffigisassaattut siunnersuutigineqartup peqqissaartumik suliarisimaneranik qujavunga.

Naalakkersuisut Ilaqutariinnermut Peqqissutsimullu Ataatsimiititaliap oqaaseqaataa taperserpaat, maluginiarparalu isumaliuutissiissutip innersuussutaa ataatsimiititaliap isumaqataaffigaa, taamaalillungalu Naalakkersuisut sinnerlugit aallaqqaataaniit siunnersuut isumaqatigalugu atortussanngortinneqarnissaa akuersissutigalugu.

Naalakkersuisut nakkutilliinnermut maalaaruteqarnissamullu periarfissaasinnaasut aaqqiissutissaannik nassaarniarlutik suliaqassapput, taamaasilluni tarnip pissusaanik ilisimasallit 2017 ingerlanerani sulinerat ersarinnerusunik malittarisassaqaalissammat.